

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

XV. An integritas confessionis ita necessaria sit, vt in nullo casu licitum sit
peccatum aliquod mortale in confissione reticere.

urn:nbn:de:hbz:466:1-38979

etiam pro illa citat S. Doctorem. Alii è contrà afferunt, circumstantias notabiliter aggrauantes esse in confessione declarandas. Ita Mars. Major, Sot. Can. Suar. & alij, quos refert & sequitur Gamach. cap. 20. de Pœnit. parag. 1. cui sententiæ subscribit etiam Isamb. disp. 18. a. II. eamque pluribus rationibus propugnat. Quamvis autem priorem sententiam maximè probabilem existimemus, tum propter autoritatem Doctorum qui eam tuentur, tum etiam quia Conc. Trid. sess. 14. cap. 5. circumstantias tantummodo speciem peccati mutantes, in confessione declarandas esse dicit, nulla facta mentione circumstantiarum illarum, quæ tantummodo notabiliter aggrauant; quod tamen dicere non omisisset, si necessarium esse iudicasset: contrariam nihilominus sententiam adhuc probabiliorem, & in praxi quantum fieri poterit tenendum arbitramur, pœnitentesque circumstantias notabiliter aggrauantes debere in confessione declarare, & à confessarijs, prout spiritus & prudentia suggesterit, de iisdem interrogandos esse ob eam præsertim rationem, quod sine illarum circumstantiarum notitia vix possint confessio dignoscere, quales & quantas satisfactiones, aut restituções iniungere, quæ remedia proponere, aut consilia pœnitentibus suggerere debeant: aliter enim haud dubie gerere debet confessarius cum eo, qui breui, aut qui diurno tempore in peccati alicuius cœno hæsit; aliter cum illo, qui ex graui & inueterato odio, aut qui ex repellente ira, deliberata tamen, malum aliquod intulit, aut optauit; cum haec nihilominus circumstantiæ peccati speciem non mutent, sed tantummodo aggrauent.

SECTIO XV.

An integritas confessionis ita necessaria sit, ut in nullo casu licitum sit, peccatum aliquod mortale in confessione reticere.

D' V.O sunt præcipui casus, in quibus pœnitens licet, & fructuose absolutionem Sacramentalem recipere potest,

potest, quamvis peccata omnia mortalia, quæ à se commissa recordatur, non declarauerit: quod tamen non obstat, quin cessante ratione, ob quam illa reticuit, eadem postea in confessione declarare teneatur.

Primus casus est, quando reperitur impossibilitas quædam moralis ex parte ipsius poenitentis ad declaranda omnia peccata mortalia à se commissa, v.g. quando egrotus inter confitendum vocis vsum repente amittit, nec potest reliqua peccata explicare, vel etiam si nullum peccatum declarare potuerit; tunc enim, dummodo cōtriti animi signa quædam exteriora confessarii in ipso deprehendat, potest, imo debet illum Sacramentaliter absoluere. Ita Med. Syl. Nau. Bellarm. Suar. &c alij apud Bonac. disp. 5. quaest. 5. de Pœnit. pun. 2. Imo, quamvis ante confessarij aduentum non modò vocis, sed etiam rationis ac iudicij vsum amiserit, si tamen antea Sacramentalē absolutionē verbis, aut signis petiuerit, declaraueritque se velle confiteri, idque fide digno testimonio ipsi confessario innotescat; tunc etiam potest, imo debet illum Sacramentaliter absolvere saltem sub conditione. Ita Suar. &c alij plures, apud eundem Bonac. suprà, quibus subscriptis Gamach. cap. 20. parag. 1. & Isamb. disp. 18. art. 10. Et probatur ex Cœcil. Aurasic. 1. can. 12. vbi dicitur quod subito obmutescens, prout statutum est, baptizari, aut Pœnitentiam accipere potest, si voluntatis præterita testimonium verbis aliorum habet, aut praesentis in suo nutu: & ex Conc. Carth. 4. cap. 76. eī, qui Pœnitentiam in infirmitate petit, si casu, dum ad eum Sacerdos in uitatus venit, oppressus infirmitate obmutuerit, vel in phrenesim versus fuerit; dent testimonium qui eum audierint, sive accipiunt Pœnitentiam; & si continuo creditur moriturus, reconcilietur per manus impositionem, & infundatur Eucharistia ori eius. Item ex S. Leone Papa Epist. 91. ad Thedorum Forojuensem Episcopum, vbi de infirmis loquens, Si, inquit, aliqua vi agititudinis ita fuerint aggrauati, ut quod paulo ante poscebant, sub praesentia Sacerdotis significare non valeant; testimonia eis fidelium circumstantium prodeſſe debebunt, ut simul & Pœnitentia & reconciliationis beneficium

ficiū consequantur. Accedit etiam praxis totius Ecclesiz, quam discimus ex Rituali Romano tit. de ordine admissandi Sacramentum Eucharistiae, in quo dicitur *infirmum absoluendum esse, si confitendi desiderium vel per se vel per alios ostenderit.*

Quod si moribundus vi morbi de repente ita oppressus fuerit, ut nec confessarium postulauerit, nec vllum confitendi desiderium verbis aut nutibus aliisque similibus signis praesente vel absente confessario ostenderit; tunc sacramentaliter absoluui non poterit; cum nulla sit ibi materia idonea, & sufficiens Sacramenti poenitentia, nulla contrito aut confessio quæ signo aliquo exteriori se prodit; cum tamen sint partes essentiales ipsius Sacramenti, sine quibus forma illius applicari nec licite nec valide potest. Ita Sua. disp. 23. sect. 1. & plurimi alij Theologi quos citat & sequitur Laym. tract. 6. de Poenit. cap. 8. quibus subscribit Isamb. disp. 17. art. 9. Certe Concilia, & Pater non aliter permittunt poenitentia Sacramentum mortuorum obmutesceni aut phrenetico ministrari, nisi Sacdoti constet illum antea Sacramentum ipsum experiri desideriumque suum verbis aut nutibus aliisque signis declarasse.

Secundus casus est, quando ex confessionis integrum sequeretur aliquod graue damnū spirituale, vel corporale alterius, aut ipsiusmet cōfidentis: v.g. quando urgente perillio, aut instantे naufragio plurium militum, aut nauigantium confessio excipienda est: tunc enim, ne dum unius confessio integra excipitur, aliorū quibus confitendi spiculum deerit, salus periclitetur, sufficit ut quisque peccatum aliquod mortale à se commissum fateatur; immo, si tempus ad id nō suppetat, & jam iam naufragia immineat, a prælium ineatur, satis erit tunc, ut omnes nauigantes auxiliis signis aliquibus exterioribus se peccasse generent, &c de peccatis verè dolere demonstrent; quæ quidem signa visu vel auditu à confessario percipientur, sicque a confessario absolvantur. Ita Isamb. disp. 17. art. 8.

Item quando infirmus laborat morbo contagioso, si non

non possit confessarius absque manifesto vita periculo in peccatis illius sigillatim audiēdis diutiū immorari; tunc aliquibus tantum peccatis in confessione auditis, si alia sufficienter dispositus sit, illum sacramentaliter absoluere poterit. Ita Vasq. Coninck, & alij apud Bonac. loco proximè citato. In hoc tamen casu debet confessarius admonere infirmum, confessionem illius eo modo factam esse validam, & sufficientem, &c., quantum fieri poterit, animum pacatum, & tranquillum dimittere.

Simili modo, si quis, v.g. patrem aut matrem confessarij sui occidisset, aut domui eius ignem subiecisset, nec alteri tunc confiteri posset; non teneretur incendium illud aut homicidium ei in cōfessione declarare: quia hoc esset exponere confessarium ipsum peccato vindicta, & odij, forte etiam periculo reuelanda confessionis; & multa hinc mala moraliter sequi possent, cum Sacerdotes sint quoq; homines circumdati infirmitate, & inter illos alij alijs infirmiores: quare tunc posset licite p̄nitens peccatum illud in confessione reticere. Ita Nau. cap. 7. num. 3. Gamach. cap. 20. parag. 1. & alij.

Quæres, an similiter liceat p̄nitenti reticere in confessione peccatum aliquod mortale, aut illius circumstantiam, quod, vel quam declarare nō potest, nisi cum manifestatione cōplicis. Nau. suprā num. 1. & seqq. affirmat, id non modo licitum esse; sed etiam p̄nitentem tunc ad peccati illius aut circumstantiæ reticentiam obligari; illiq; subscrbit Gamach. suprā: quorum sententiam, quamuis sit probalis & tutta; verior tamen, & tutor videatur sententia negans, quæ est S. Doctoris in 4. dist. 16. quæst. 3. art. 2. quæst. 5. ad 5. quem sequuntur Bonau. Alexan. Palud. Major, Almain. & plures alii apud Suar. disp. 34. de P̄nit. sect. 1. cum quibus proinde dicimus, p̄nitentem in casu suprā declarato debere in primis confessariū querere, cui persona, cum qua peccauit, non sit nota, vel, si cōmodè, & absque salutis periculo fieri possit, confessionem in aliud tempus differre; quod si neutrū possit, senetur tunc peccatum suum tale, quale commissum fuit

I 4 declara-

declarare. Id manifeste innuit S. Bernardus opusculo de formula honestæ vitæ versus finem, vbi hoc documentum tradit: *Denullo prorsus, sinistre loquari, quantumcumque si verum vel manifestum, nisi in confessione, & hoc, vbi non potest alter manifestare peccatum tuum.*

Ex qua S. Bernardi, & aliorum, qui suprà citati sunt doctrina colligitur 1. quod obligatio integrè confidendi à Christo Domino cuique pœnitenti imposta, est ratio sufficientis ad peccatum alterius sub sigillo huius Sacramenti confessario manifestandum; ac proinde quod illa manifestatio sic facta charitati proximi non aduersetur; sicut eidem charitati minimè repugnat, si extra confessionem peccatum alterius occultum ex aliqua iusta & rationabili causa manifestetur.

Colligitur 2. extra hunc easum necessitatis nullatenus licere alterius peccatum in confessione declarare; id est quando confessarius præuidet, pœnitentem sine ullâ causa rationabili velle nominare personas peccati sui complices, vel à quibus ad peccandum inductus est, debet prohibere, ipsumque admonere ne detractionis peccatum incurrat, ut recte obseruat Nau, suprà num. 2.

S E C T I O XVI.

Quis fit legitimus Sacramenti Pœnitentia minister.

C E R. T V M est solum Sacerdotem esse legitimū sacramenti pœnitentia ministrum: solis siquidem Apostolis, & eorum in Sacerdotio successoribus dictum est Christo Domino S. Ioan. 20. Quorum remiserit peccata, remittuntur eis, vt vñanimiter verba illa Christi Domini intellexerunt SS. Patres, ac nominatum S. Ambr. lib. 1. deponit. cap. 2. S. Aug. lib. 2. cont. Epist. Parmeniani cap. 12. & S. Leo Epist. 91. ad Theodorum: eadem quoque veritas quam fide credenda definita est in Concil. Constantiens, in Bulla Martini 5. in Concil. Florent. in dect. Eug. & in Concil. Trid. sess. 14. cap. 6. & can. 10.

Quod